



Reykjavík, 6. febrúar 2024

MSS24010144

Borgarráð

Samstarfssamningur mennta- og barnamálaráðuneytisins og Reykjavíkurborgar um vettvangsstarf Flotans

Lagt er til að borgarráð samþykki hjálagðan samning við mennta- og barnamálaráðuneytið um vettvangsstarf Flotans, dags. 18. janúar 2024. Samningurinn gildir frá 1. janúar 2024 til 31. desember 2024. Framlag ráðuneytisins til verkefnisins samkvæmt samningi þessum er fjárframlag að upphæð kr. 10.000.000. Framlag Reykjavíkurborgar til verkefnisins samkvæmt samningnum er framkvæmd og utanumhald verkefnisins og vinnuframlag starfsmanna. Reykjavíkurborg ábyrgist að framlaginu verði einungis varið til verkefnis samningsins. Framlag borgarinnar að öðru leyti felur í sér vinnuframlag skóla- og frístundasviðs sem rúmast innan fjárheimilda sviðsins.

Einar Þorsteinsson
borgarstjóri

Hjálagt:

Umsögn skrifstofu sviðsstjóra fjármála- og áhættustýringarsviðs um samninginn, dags. 18. janúar 2024.

Samstarfssamningur mennta- og barnamálaráðuneytisins og Reykjavíkurborgar um vettvangsstarf Flotans, dags. 18. janúar 2024



Reykjavík



UMSÖGN

Viðtakandi: Borgarráð

Sendandi: Skrifstofa sviðsstjóra fjármála- og áhættustýringarsviðs

Umsögn um samning Reykjavíkurborgar og ríkisins um vettvangsstarf Flotans

Fyrir liggja drög að samstarfssamningi mennta- og barnamálaráðuneytis og Reykjavíkurborgar um vettvangsstarf Flotans, flakkandi vettvangsstarf, tilvísun í málsnr. ríkisins MRN23120188. Efni samningsins er í meginatriðum eftirfarandi:

- Framlag ráðuneytisins til verkefnisins samkvæmt samningi þessum er fjárframlag að upphæð kr. 10.000.000. Verður framlagið, sem kemur frá málaflokki 29A, af fjárlagalið 02-999-121, lagt inn á bankareikning viðskiptabanka samstarfsaðila eftir undirritun samstarfssamnings þessa.
- Framlag samstarfsaðila, þ.e. Reykjavíkurborgar, til verkefnisins samkvæmt samningnum er framkvæmd og utanumhald verkefnisins og vinnuframlag starfsmanna. Samstarfsaðili ábyrgist að framlaginu verði einungis varið til verkefnis samningsins.
- Skóla- og frístundasvið Reykjavíkurborgar er framkvæmdaraðili samningsins fyrir hönd samstarfsaðila.
- Samningurinn gildir frá 1.janúar 2024 til 31. desember 2024

Umsögn

Meginmarkmið samningsins er að styðja og efla vettvangsstarf Flotans. Flotinn starfrækir flakkandi vettvangsstarf sem ferðast á milli borgarhluta og er til staðar þar sem unglingar safnast saman á daginn og kvöldin alla daga vikunnar. Starfsfólk Flotans hefur náð góðum árangri þegar kemur að því að mynda tengsl og traust samskipti við börn í viðkvæmri stöðu, sem m.a. hafa verið þátttakendur eða áhorfendur í ofbeldismálum. Markmiðið er að ná til barna á aldrinum 12-16 ára sem taka ekki þátt í skipulögðu frístundastarfi, eiga í neikvæðum samskiptum, sýna áhættuhegðun og/eða búa við erfiðar félagslegar aðstæður.

Samningurinn er að fjárhæð kr. 10.000.000,- til eins árs og felur framlag borgarinnar að öðru leyti í sér vinnuframlag skóla- og frístundasviðs sem rúmast innan fjárheimilda sviðsins.

Halldóra Káradóttir,
sviðsstjóri fjármála- og áhættustýringarsviðs

Samstarfssamningur

mennta- og barnamálaráðuneytisins

og Reykjavíkurborgar um vettvangsstarf Flotans

Mennta- og barnamálaráðuneytið, kt. 460269-2969, í samningi þessum nefnt „ráðuneytið“, og Reykjavíkurborg, kt. 530269-7609, í þessum samningi nefnd „samstarfsaðili“, gera með sér svofelldan samstarfssamning:

1. Markmið með samningnum og lýsing verkefnis

- 1.1. Meginmarkmið þessa samnings er að styðja og efla vettvangsstarf Flotans, flakkandi vettvangsstarfs. Flotinn starfrækir flakkandi vettvangsstarf sem ferðast á milli borgarhluta og er til staðar þar sem unglingar safnast saman á daginn og kvöldin alla daga vikunnar. Starfsfólk Flotans hefur náð góðum árangri þegar kemur að því að mynda tengsl og traust samskipti við börn í viðkvæmri stöðu, sem m.a. hafa verið þátttakendur eða áhorfendur í ofbeldismálum. Markmið verkefnis samnings þessa er að ná til barna á aldrinum 12-16 ára sem taka ekki þátt í skipulögðu frístundastarfi, eiga í neikvæðum samskiptum, sýna áhættu hegðun og/eða búa við erfiðar félagslegar aðstæður. Við rækslu verkefnis samnings þessa verður horft til fyrirmynda SSP/SSPF samstarfsins í Danmörku og Svíþjóð og verður áhersla jafnframt lögð á náði samstarf við lögreglu og aðra þjónustuveitendur barna.
- 1.2. Með þessum samningi skuldbinda samningsaðilar sig til að taka þátt í verkefni samnings þessa, sem er aðgerð í heildrænni nálgun stjórnvalda til að stemma stigu við ofbeldi og áhættu hegðun barna.
- 1.3. Hlutverk samstarfsaðila er m.a. að:
 - a. vera með virkt vettvangsstarf og ná til barna sem eru í sérstaklega viðkvæmri stöðu, vinna með þeim og veita þeim stuðning og leiðsögn, m.a. um þjónustu og úrræði sem í boði eru,
 - b. taka þátt í gerð formlegs verklags sem ætlað er sveitarfélögum á höfuðborgarsvæðinu, og
 - c. vísa ofbeldismálum í viðeigandi úrræði Reykjavíkurborgar eða Barna- og fjölskyldustofu.
- 1.4. Samstarfsaðili skal jafnframt halda markvissa skráningu yfir fjölda þeirra sem Flotinn sinnir í vettvangsstarfi.
- 1.5. Við skráningu upplýsinga skv. 1.4. gr. ber samstarfsaðila að gæta persónuverndarsjónarmiða, sbr. einkum lög um persónuvernd og vinnslu persónuupplýsinga, nr. 90/2018.
- 1.6. Skóla- og frístundasvið Reykjavíkurborgar er framkvæmdaraðili samningsins fyrir hönd samstarfsaðila.

2. Framlag og skyldur aðila samningsins

- 2.1. Framlag ráðuneytisins til verkefnisins samkvæmt samningi þessum er fjárframlag að upphæð kr. 10.000.000. Verður framlagið, sem kemur frá málafllokki 29.4, af fjárlagalið 02-999-121, lagt inn á bankareikning viðskiptabanka samstarfsaðila eftir undirritun samstarfssamnings þessa.
- 2.2. Framlag samstarfsaðila til verkefnisins samkvæmt samningi þessum er framkvæmd og utanumhald verkefnis samnings þessa og vinnuframlag starfsmanna. Samstarfsaðili ábyrgist að framlaginu verði einungis varið til verkefnis samnings þessa.
- 2.3. Aðilar samningsins skulu funda reglulega yfir samningstímann, a.m.k. þrisvar sinnum, þar sem farið verður yfir framvindu verkefnisins og samþættingu aðgerða til að stemma stigu við ofbeldi. Tengiliður ráðuneytisins mun hafa umsjón með boðun og utanumhaldi funda.
- 2.4. Samstarfsaðili skal veita ráðuneytinu allar upplýsingar sem það kallar eftir um það verkefni sem samningur þessi tekur til, hvenær sem ráðuneytið óskar þess, eins fljótt og auðið er.

- Þá skilar samstarfsaðili ráðuneytinu skýrslu um árangur af verkefninu við lok samningstíma.
- Tengiliður samstarfsins í mennta- og barnamálaráðuneytinu er Hlín Sæþórsdóttir, sérfræðingur, og tengiliður samstarfsaðila er Soffía Pálsdóttir, skrifstofustjóri frístundamála.

3. Vanefndir

- Aðilar samningsins skulu tilkynna hvor öðrum tafarlaust ef þeir telja vafa leika á um að þeir geti uppfyllt skyldur samkvæmt samningnum. Jafnframt greina aðilar frá úrræðum sem þeir hyggjast grípa til.
- Samningsaðilum er heimilt að rifta samningi þessum efni gagnaðili ekki skyldur sínar samkvæmt samningi þessum. Í slíkum tilvikum er ráðuneytinu heimilt að endurkrefja um greiðslur, að hluta til eða í heild, ásamt kostnaði við innheimtu.
- Samningsaðilar munu leitast við að jafna ágreining, ef einhver er, sín á milli.
- Dómsmál sem rísa kann út af samningi þessum skal rekið fyrir Héraðsdómi Reykjavíkur.

4. Gildistími og uppsögn

- Samningurinn gildir frá 1. janúar 2024 til 31. desember 2024.
- Samningurinn er háður samþykki borgarráðs.
- Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má. Óski annar hvor aðila eftir að segja samningnum upp skal það gert skriflega með eins mánaða fyrirvara. Óski samstarfsaðili eftir því að segja samningnum upp skal samstarfsaðili endurgreiða ráðuneytinu framlagið í hlutfalli við þann tíma sem eftir er af samningstíma.

Reykjavík, 18. janúar 2024

Ásmundur Einar Daðason
mennta- og barnamálaráðherra

Einar Þorsteinsson
borgarstjóri